

光緒重修安徽通志

重修安徽通志卷一百四十三

職官志

名宦七

甯國府

漢李忠字仲都東萊人建武六年爲丹陽太守時海濱江淮多擁兵據土忠到郡招懷降附其不服者誅之旬月皆平乃起學校習禮容春秋鄉飲選用明經郡中嚮慕之墾田增多流民占著者五萬餘口三公奏課爲天下第一遷守豫章

後漢書本傳

馬稜字伯威茂陵人永元中江湖多劇賊以稜爲丹陽太守稜發兵掩擊皆擒滅之

後漢書馬稜傳

韓演舞陽人順帝時丹陽太守政有能名

後漢書韓稜傳

陳資建甯二年爲丹陽太守時山越賊叛圍資資擊破之

後漢書本傳

紀

張馴字子儁定陶人以明經學典領祕書爲丹陽太守有惠政

後遷大司農

後漢書本傳

吳諸葛恪字元遜瑯琊人瑾子恪以丹陽山險民多果勁乞爲官出之三年可得甲士四萬拜撫越將軍領丹陽太守恪乃移書長吏令各保疆界不與交鋒候其稼熟縱兵芟刈使無遺種

於是山民饑窮漸出降首歲期人數皆如本規

三國志本傳

法雄宣城令善政事能發奸摘伏民甚畏之

明統志

晉鍾雅字彥胄潁川人爲宣城内史錢鳳作逆率眾屯清弋時廣德人周玘攻雅雅退據涇縣收合士庶斬之鳳平拜左丞

晉書

本傳

宋羊元保南城人景平中補宣城太守先是劉式之爲宣城立

吏民亡判制一人不禽符伍里吏送州作部若獲者賞位二階

元保以爲非宜陳之由此制得停

宋書本傳

王志字次道瑯琊人除宣城內史清謹有恩惠郡民張倪吳慶

爭田經年不決志到官父老乃相謂曰王府君有德政吾曹鄉

里乃如是爭耶倪慶相攜請罪所訟地遂爲閒田

梁書本傳

齊謝朓字元暉陽夏人明帝時爲宣城太守每高齋視事吟嘯

自若而未嘗以玩替政

南齊志

梁何遠字義方鄞人爲宣城太守郡經寇抄遠盡心綏理開途

巷及牆屋民居市井城隍廩庫所構若營家焉秩俸並無所取

歲暮擇民尤貧者免其租調所至皆生爲立祠

梁書本傳

唐柳鎮河東人爲宣城令政教大行吏民立石頌德

韓文公集及注

裴耀卿字煥之絳州人開元中由濟州刺史徙宣州首務教化

率父老行禮奏樂歌白華由庚等篇明孝子養親萬物遂性之義聞者感泣又以雅聲久絕請太常笙竽琴瑟令州造習准令

式行禮以厲風俗

唐書本傳南畿志

班景倩開元中宣州刺史有風力恤疾苦除貪暴踰年黜賊吏

以百計後入為大理卿

陳簡甫良吏記

竹承構開元中繼班景倩為宣州刺史務戢奸宄黜貪暴與景

倩等時有班竹之謠

良吏記

裴敦復開元中刺宣州政務大體不事煩苛當時稱為良吏

良吏記

記

王質宣州刺史清白畏慎為政必先究風俗所至有惠愛

明統志

李孝稱天寶中太平邑初建首為令溫恭化洽

太平縣志

由太平令

徙涇政清而簡不矯飾干譽士民懷之卒於涇子孫家焉廣德

盜起頻陷城邑入涇獨不忍壞其廬

良吏記

崔倭字德長大厯中令南陵性介潔疾賄如讐吏籍民田糧失實賦多逋倭召父老言狀爲覈正之積逋以完

南陵志

范傳正字西老順陽人元和中令甯國韋瓘稱其肅以檢姦儉以約身和以納民敏以應務物不夭札民得休泰後攝南陵復修大農陂民賴其利歷歙蘇湖三州刺史有殊政進拜宣歙池

觀察使

韋瓘修大農陂記唐書本傳

沈傳師吳人寶厯二年由江西觀察使徙宣州傳師於吏治明吏不敢罔愼重刑罰每斷獄召幕府平處輕重盡合乃論決嘗擇邸吏尹倫遲魯不及事官屬白易之傳師曰始吾誠倫可闕事不可多事如是足矣故所蒞俱以廉靖聞

唐書沈既濟傳

宋賈黃中字媧民南皮人開寶中知宣州歲饑民多爲盜黃中

出已俸造粥糜賴全活以千數仍設法弭盜因悉解去

宋史本傳

李堅知宜城縣水泉委匯暑雨流潦輒傷禾稼堅峻爲之防歲

以有秋

南畿志

卞袞成都人太平興國中通判宣州淳化中上命擇庶僚中廉

幹者給御書印紙俾書課最仍賜實俸以旌異之袞與焉

宋史本傳

胡宿字武平晉陵人寶元初通判宣州囚有殺人者將抵死宿

疑訊之囚憚箠楚不敢言辟左右復問久乃云旦將之田縣吏

縛以赴官莫知其故宿取其獄緋閱探其本詞蓋婦人與所私

者殺其夫而執平民以告也

宋史本傳

呂誨字獻可洛陽人慶厯中任旌德簿治民主於愛利而疾姦

暴則嚴後入朝以直諫顯

滕璘景呂堂記

吳遵路字安道丹陽人仁宗時知宣州上禦戎要略邊防雜事

二十篇

宋史本傳

劉安節字原城溫州人元豐中知宣州爲政有程式不事刑威人自不敢犯猾胥每相戒曰神可欺公不可欺州大水民苦疾疫安節載醫藥拯撫以勞卒官

南畿志

練慈延平人元祐中知旌德政尙簡易好獎士類邑子弟如汪解呂鏜皆其造就雅有清操人飲酒清者輒稱練長官酒嘗建北渡橋當時亦稱爲練公橋

南畿志

李光字泰發上虞人建炎三年知宣州時范瓊將過軍光先入視事瓊至則開門延勞畱三日而去無敢譁者光以密邇行都繕城池聚兵糧籍六邑之民保伍相比擇其健武者統以土豪得兵甲萬餘又柵險要二十三所釐城隍爲十地分分巡內外歲租輸邑者悉命輸郡初謹言不便及至守城之日贈軍養民

迄賴以濟潰將邵青剽當塗蕪湖兩邑閒光招諭之秋毫無犯
紹興中除江東安撫大使知建康壽春滁濠廬和無爲宣撫使
時太平州卒陸德囚守臣據城叛光設方略盡擒其黨

宋史本傳

張果四川人建炎中知宣州州大水城郭將沒果抱民籍入水
死水勢驟減郡人求其屍禮葬之祠於城北

南嶽志

郭僕字同升祥符人建炎中知宣城縣苗傅劉正彥之變僕說
郡守劉玗請募勇士倍道赴難揭榜復用建炎年號人皆聽之

宋史本傳

余良肱字康臣分甯人紹興初知宣州治爲江東最

宋史本傳

盧革字仲辛德清人由提點廣東刑獄請外神宗謂宰相曰革

廉退如是宜與嘉郡遂爲宣州

宋史本傳

林珦字德潤福建侯官人紹興初知宣城縣縣有筮岳豐稔兩陂遇溪水以溉田自政和初爲水所壞歲常苦旱莫能復者珦修治期月而畢明年宣城大水破圩一百六十餘所而陂口不動百姓更名曰林公泉

福建通志新增

李琮字獻甫江甯人爲甯國軍推官州庾積穀腐敗轉運使移州散於民俾至秋償新者守將行之琮曰穀不可食強與民責而償之將何以堪持不下守愧而止

宋史本傳

許幾字先之貴溪人知南陵縣還民之託僧尼爲奸者數百人

宋史本傳

林淳乾道中知涇縣甫至訪三農利病邑有陳雷二塘壅塞不理久爲豪家所據淳議復之凡修治古塘六百餘所民食其利

一統志

趙愷孝宗時判甯國府請增士人貢額從之愷究心民事嘗築

圩隄之隕圯者帝手詔嘉獎

宋史本傳

郭堯字高叔淳熙中知南陵縣政尙慈恕嘗除工山阮冶之患

修復堰陂以資灌溉至今賴焉

南陵志

李延忠字居厚臨安人開熙中知旌德縣創置學田八十餘畝

捐縣市諸鄉地稅錢九千餘緡膳學宮弟子建縣東石橋亭舍

十餘楹行者便之

旌德縣志

張忠恕字行父縣竹人嘉定中知甯國府夏旱請於朝得賜僧

牒五十米十萬七千餘石常平使者欲均濟而勿勸糶忠恕慮

後無以濟遂核戶口計歲月嚴戒諸邑諭大家發蓋藏宣民以

甦

宋史本傳

杜範字成之黃巖人嘉熙三年知甯國府適大旱以便宜發常

平粟又勸寓公富人積粟者發之民賴以安始至倉庫多空未幾米十餘萬斛錢亦數萬悉以代輸下戶賦兩淮饑民多剽掠其首張世顯尤勇悍擁眾三千餘人抵城下範遣人犒之令勿擾以俟處分世顯謀窺城以計擒斬之

宋史本傳

王遂字去非粵陽人淳祐元年出守甯國除積弊定斗斛置義役奏罷蕪廢逃亡田稅嘗詣學宮訓厲諸生又載酒出郊慰勞

農人羣頌之曰作民父母後王前杜

南齊志

孫夢觀字守叔慈谿人理宗時知甯國府蠲逋減賦無算泛入者盡籍於公帑戶部遣官督賦急閩郡惶駭夢觀曰吾當委官以去毋病民以畱將以府印牒所遣官所遣官聞之夜遯他日夢觀去甯國人爲之流涕丞相董槐召還帝問江東廉吏槐首

以夢觀對

宋史本傳

趙與穉德祐初知甯國縣元兵至與穉率眾與戰死之吏楊義

忠亦戰死

南畿志

元劉性字粹衷廬陵人至元初爲旌德尹廉明剛果修學剔弊

年穀屢豐虎不入境

南畿志

王相廬陵人由翰林院編修出爲涇尹首覈民田以見業爲準

禁兼并平賦役一切額外之徵力爲請免

一統志

王貞字伯善東魯人元貞初爲旌德尹慈惠有爲凡學宮縣廨

壇廟橋道葺治一切

江南通志

吳師道字正傳蘭溪人元統中甯國路錄事歲大旱師道勸大

家出粟得三萬餘石復請於朝得粟又四萬石鈔三萬八千緡

有奇以充賑所存活三十餘萬人

元史本傳

呂良佐字唐臣爲涇縣尹廉幹慈仁治民以信後朝廷延訪耆

舊良佐與焉

南畿志

蘇濟字汝舟益都人至正初爲涇縣尹浚渠均賦修學宮鑄祭器復浮屠氏侵田以餽諸生百姓歌曰士民藝業通縣官有蘇公又曰三載民無憂賴有蘇汝舟

趙孟頫書梅野蘇公政績記

劉耕孫字存吾茶陵人至正十五年爲甯國路推官會長鎗賊

鎮南班等攻甯國耕孫曰署府事夜督城守城陷力戰死

元史本傳

明陳灌字子將廬陵人洪武初知甯國府首詢民隱延禮師儒

倉吏爲奸灌刻期行視諸廩吏得先期實廩而弊革旱潦洊至

灌增築圩岸爲斗門以時蓄洩又作戶帖定版籍郡民稱便後

詔以其法行天下

南畿志

柳世榮洪武初知太平縣首務清理田糧黃山峭壁田不可耕

者申免稅糧一千五百餘石

一統志

梁德遠洪武中知太平縣蕪田逋稅悉折收輕齋以卹其困民

肖像祀之

南象志

朱獻棗強人永樂時知甯國府廉謹有為庠校祀典咸所釐正

居官九年門無私謁

江南通志

況子玉瀘州人正統中宣城知縣歲饑多方拯救民賴以全

一統志

馮本正統間旌德知縣在官奉職廉惠蒞政有方凡諸建作俱

可垂範

明統志

袁旭字廷輔樂安人正統初知甯國府改建府學壯麗甲諸郡
創宛溪二石橋雖洊興大役民不知擾詔舉守令治狀卓異者
行宴賚凡十人旭居第二後蜚語卒於獄郡人祀之濟川橋左

一統志

江南通志

陳雅晉江人正統中爲宣城丞嘗攝縣事遇旱虔禱荷校自責

已果大雨歲賴以稔

南華志

沈性字士彝會稽人天順中知甯國府裁冗費省繁科姑孰有重役宣城歲往協濟積爲民病性奏改輸費免役一邑稱便

志

南華志

王升吉水人成化中涇縣知縣歲大饑升請蠲貸上官不許遂

自疏諸朝得請民賴以蘇

一統志

李延壽成化閒以御史謫宣城主簿遷知縣廉靜簡易庶事畢

集吏民宜之

明統志

尹清字周潔富順人成化中知旌德縣操持廉介平易近民秩

滿士民泣送之

江南通志

王濬字文深河南人成化十年以御史謫涇縣丞鋤強植弱均

賦役通錢法學校壇廨橋梁多所修建

江南通志

姜紹字玉卿弋陽人宏治初以御史謫甯國同知杜私謁抑豪

強聽訟明允鄰境民訟不決輒白當路願屬姜丞由是委任叢

集所至咸服諺曰甯郡司馬薑老愈辣

廣輿志

涂觀成化閒知甯國府爲政寬平鎮靜號稱長者時有天降涂

來解倒懸之謠

明統志

強珍滄州人成化初知涇縣請減額賦民懷之

一統志

顏祿壽字天庇巴陵人宏治中爲甯國通判有持百金屬左右

賓帷中者斥不受暇卽荷鋤治圃一室蕭然

江南通志

樂護字鳴音臨川人宏治中知宣城縣廉明有才饑民聚黨肆

劫護單騎撫諭眾咸感泣因計口以賑入覲遇盜發笥止銀四

十兩盜曰久聞宣城樂青天乃汝耶還之而去

江南通志

李鸞字天瑞固安人宏治中由御史謫知涇縣建尊經閣置義

家造浮艘諸所繕舉甚眾

江南通志

張瀚字克容博平人宏治中知太平縣明敏清勤積穀備賑興

學育才治績甚多

江南通志

李文字載道嶧縣人宏治中爲宣城主簿初邑文廟以附府縣

祀文始行春秋釋菜禮因著爲令捐俸創雙溪石梁至鸞其家

驟車以足之橋成宣人德之名李公橋

南畿志

胡文靜正德中知南陵縣爲人簡恕應物無滯加意士習裁冗

費歲大祲多方賑救後擢御史去

明統志

蕭山荊州人正德中宣城丞以廉直忤當路罷去不能具行李

時編修邵銑爲推官贈以詩有去馬人爭挽歸裝月共寒之句

江南通志

及宦字士顯交河人正德間由給事中出知甯國府質直有清操高淳有豪民以養馬援宣涇諸邑協助撫臣將如議宦力爭得免當宦爭馬政時其父適從北來持蓋躡屬止署外呼宦語曰汝幸毋得罪百姓異日可相見也飯於廨後旋挾蓋躡屬而去其時已受給諫封矣其父子清厲如此甯國府志

胡東皋字汝登餘姚人正德中知甯國府有才略會大造版籍更定里甲搜剔奸弊田賦一清修築圩堰曲爲擘畫又嘗躬歷屬邑民有訟輒就聽之江南通志

賈啟字啟之黃岡人正德中知涇縣爲政嚴明事至卽決邑雖煩劇而公庭閑寂時有官清吏廢之謠江南通志

王廷相字子衡儀封人正德中以庶吉士謫知甯國縣器度宏闊以文學飾吏治期月閒百廢俱舉江南通志

劉起宗巴縣人嘉靖中知甯國府負才彊敏嘗檄諸屬邑覈實

田數履畝丈量官民均賦創涇縣水西精舍置田膳多士聘名

賢講明正學一時人士蒸蒸嚮慕

江南通志

劉世亨臨川人嘉靖中知涇縣歲時巡行鄉落勸民力耕建社

倉教以積儲斂散地多盜令鄉募武勇以巨室主之分布要害

賊發輒獲以治行高等徵爲吏部主事

一統志

方逢時字行之嘉魚人嘉靖中知甯國府景王之國所過陵隸

守宰多亡匿逢時獨往部署所需皆立辦又面陳諸璫驕橫狀

王爲引罪治之江上諸郡藉是得無擾大盜馬黨等越獄禱於

神逸盜皆就縛數年外戶不閉

一統志江南通志

李默字時言甯甯人嘉靖初以吏部郎謫判甯國廉峭不阿尤

愼徵派重建靖難死節尙書陳公祠纂修郡志矜嚴有體

江南通志

雷禮字必進鄆城人嘉靖初為甯國推官獻獄明慎涇有豪民
吳榮四與華某格鬪而華死榮四急箠殺其僕舁於華所以當
之無何華甦榮四更愬華殺其僕論死禮廉其實坐榮四罪華

得釋

江南通志

周奎字眾賢萬安人嘉靖中知宣城縣廉儉慈愛歲大饑發廩

出帑推士夫之忠信者行各里散給民不入市並得全活

江南通志

楊九韶餘姚人嘉靖間知南陵築圩一十五里瀦洩有法至今

利賴邑苦養馬九韶奏蠲八百七十四匹民困以蘇

一統志
江南通志

周詩字汝學錢塘人嘉靖間知南陵縣歲大水奏請減逋負數

千又請豁種馬牧害少息清覈奸民隱田一千有奇田賦以均

一統志

江南通志

邵永春字子元長垣人嘉靖間知南陵縣創建縣城徙建學宮

覈田畝清賦役民頌再造

江南通志

林文瓊江山人嘉靖中爲南陵丞不攜妻孥俸錢每贍貧民暇

卽與士人講明正學民有貌古心亦古節苦身更苦之頌

江南通志

胡永成字思貞安福人嘉靖中知涇縣敏斷有爲獎勵英俊清

里籍祛蠹弊積粟萬餘石歲祿賴以賑給

江南通志

陳守仁號我山德化人嘉靖閒知涇縣有清操崇尙風教著論

民集訓申述古禮以艱去賄賂悉不受幣衣以行

江南通志

鍾紐字東岑永豐人嘉靖中知涇縣政崇寬簡清節始終如一

嘗捐俸墊路十里造下坊渡浮橋以調去民有遺思

江南通志

彭明甫字則誠萬載人嘉靖閒爲甯國丞約已愛民去之日僅

敝衣數襲

江南通志

張鳳翀甯州人嘉靖閒知旌德縣時高滄奏派養馬旌民洵懼

柳抗言山嶺非芻牧之場囚服詣軍門力辯得免以才調丹陽

輕裝就道

一統志
江南通志

甘澧蘄州人嘉靖十三年知旌德縣時條鞭未行澧裁省尉傳
寬里甲諸費有中貴過縣索供帳橫甚澧遣吏致堂廩吏不敢
往澧乃易吏服往見中貴怒曰令安在答曰邑如懸磬不足以
犒從者令逖矣中貴度無所得乘傳去

一統志

王睥安福人嘉靖中甯國訓導建鳳山書院進諸生討論聖學
寒暑不輟嘗輯四禮纂要刊行

江南通志

王嘉賓字光國滕縣人隆慶中知甯國府刻文天祥勸農辭誠
諭勤懇涇奸民董代聚眾將倡亂檄兵捕治先是東溪以舟濟
時苦漂溺爲建石橋四十丈民德之稱惠濟橋

江南通志

姜奇方字孟頴監利人隆慶五年知宣城縣周悉民隱建預備

常平二倉儲穀待賑創水陽諸廠斂粟待兌至今稱便

江南通志

蕭良譽字以孚漢陽人萬厯間知甯國府勸民力田敦孝弟嘗

課諸生首識湯賓尹必冠南宮卒如其言

江南通志

詹事講樂安人萬厯中知宣城縣嘗盡發儲米三萬石賑民丈
量令下里甲騷然事講履畝核盈縮奸猾弊息田溢額而賦不

增一統志

金勵字霜鐔西華人萬厯閒知甯國府振風紀明正學獎拔寒

畯兼置田膳之歲災力請蠲貸遺糴楚豫平糶民不告饑

江南通志

黃尊素字真長餘姚人萬厯中甯國推官嚴明執法豪貴斂手

公餘則引生徒講課士類興起以治行擢御史

一統志廣輿記

陳公相字子顯漳浦人萬厯中知宣城坦易剛直吏民畏縮歲

早多方拯卹建議改折漕粟二萬石以去就爭卒報可建待學

書院置養士田文治大興

江南通志

沈堯中嘉善人萬厯中知宣城縣墾荒築堰濬川瀦陂磽确皆

爲沃產

一統志

盧維屏字建臺忻州人萬厯中知宣城縣清介有風力時里役之弊私費倍公賦維屏置區庭中細民得自納省煩費築新稔

石陂免新河莊竹木雜稅

江南通志

張堯文字復吾新淦人萬厯中知涇縣寬和簡易而發奸摘伏

如神復水西書院祀出歲連禮經營賑貸全活不下萬家

江南通志

張時轍南城人萬厯中知旌德革耗羨勸農桑時中使以開採

至供億不貲時轍悉從官辦絕不擾民會大計當課最鄭司理

以挪解錢糧難之旌民一夜代輸五百金其得民如此

江南通志

蘇宇庶字士諧福建晉江進士知旌德縣里役苦解鏹用吏代

之張胡爭佃胡誘勾至醉斃之翌日張過胡與爭毆遽出死者謂張斃之張不能白誣服字庶廉其情抵胡於法有蔣鉞者向倡索負倡賄賊誣鉞爲窩主云鉞家得首飾數十復賄失主實之屢訟冤字庶詰失主曰貧人何多首飾曰小人有母有嫂有妻有妹合之故多曰四分之孰爲母爲嫂爲妻爲妹其人如言謬分之則曰吾將亂之召爾母嫂妻妹來物色則若何失主詞窮乃吐實鉞冤雪沈貨潘三百金潘率僕偪償天寒甚沈夜半令僮奉冷酒於潘僕以怒之意其怒必毆僮可陷以罪潘僕果怒毆沈與其妻弟趙某突入擊死僮大叫潘某殺我家僮訟於官不能辨且昏無證者歷十五年前後令不能決字庶始訊得

實獄乃定

福建通志
新增

鄧啟隆安福人天啟初爲甯國推官清苦自勵嘗他出家人誤

受一人香薷敗隆歸追而還之嚴寒所服氈四緣皆蟲嚙士民

嘆服

江南通志

宗敦一字凌霄四川人崇禎五年知旌德縣政崇簡易禮士愛民劇盜呂大祚等剽掠行旅悉擒治之

江南通志

余颺字賡之福建莆田進士知宣城縣善折獄有數年不決者爲之一清蝗起禱於神忽大風吹蝗盡入南湖歲以大稔分校

江南鄉試方以智出其門宣城人祀之

福建通志新增

邱祖德字念修成都人崇禎十年進士授甯國推官以才調濟

南歷右僉都御史福王時削籍流寓甯國舉兵應金聲被獲死

之

明史本傳

尹民興字宣子崇禎初舉進士歷知甯國涇二縣除奸釐蠹有

神明之稱福王時流寓涇縣唐王以爲御史

明史邱祖德傳

高承埏浙江人崇禎時知涇縣沈毅有威望定踐更均郵遞革
加耗絕餽遺訟簡民安涇人歌曰琴溪水清且芬崑山阜青入
雲誰其化高使君

江南通志

喬明旃永城人崇禎中知旌德縣捐貲築堰以通水利由是邑

田屢豐

一統志

國朝秦宗堯字明宇奉天人順治九年授甯國知府性廉儉嘗質
衣自給米薪蔬腐人皆得稽其數郡舊貢黃連非甯產也民虛
不供已奏折直三之二順治十三年

詔許知府得言地方利病宗堯同巡按御史鍾有鳴交疏請改得全免

一統志 江南舊通志

劉九禮陝西人康熙十年任甯國營參將軍令嚴明約束士卒
無得擾害有一卒暴取民薪立置之法甲寅饒賊掠近境郡邑

震動九禮防禦有方以靜鎮之民恃以無恐擢京口副將百姓

遮道拜送馬不能前

江南舊志

傅大業字用滋建昌人康熙閒知太平縣值歲旱大業捐米爲

倡又親詣邑大姓委曲勸諭設廠發粟編名立竿以次給發萬

人無一遺亦無一譁者盜某妄指鄰家未子女爲媳大業屢折

其誣盜辭卒不易憲檄嚴駁執不少移後竟得釋

一統志江南通志

馬光字幼寶鄒平人康熙十三年知甯國縣邑素僻陋光下車

建尊經閣立西津書院諭民以禮教俗爲一變時徽浙兩界伏

莽跳梁練鄉勇嚴偵候迄不敢犯邑中有無賴子屢作不靖光

擒其渠魁寘之法民以安堵嘗興水利較權墨至今有馬公塘

市肆閒以馬公斗爲準治邑六年以卓異薦擢御史

一統志江南通志

王鄰字欽四曲周人康熙十六年知太平縣時禁革里排他邑

以錢賦奇零夫馬紛錯或仍問之里排鄰獨奉行禁革如例聽訟則令原告自持一牒投被訴之家兩造至庭卽片言決遣五

輩不遣一役至民家絕苞苴杜請託以卓異遷部曹

江南通志

陳主策字世持河南靈寶人康熙三十年知甯國縣首禁革糧里行一條鞭法以便輸納折獄明允負者亦心服遷理藩院判

江南通志

蘇一圻山東壽光人乾隆五年知旌德縣廉能有聲教諭王文英創修學宮尊經閣奎文塔一圻爲之經理士民踴躍次第告

成

旌德縣志

王廷棟大定府人乾隆十七年知涇縣歲大旱徒跣數十里至承流山禱雨雨大注時人謂之王公雨

涇縣志

張天祐山西安邑人乾隆二十九年任旌德縣慈祥耿介嘗署

堂楹曰眼前皆赤子頭上有青天旌德縣志

鄧愷江蘇無錫人旌德教諭每月課士必面指其得失藝林傾

服明倫堂圯捐貲倡修高敞宏麗足壯宮牆之色旌德縣志

李廣峯廣東嘉應州人乾隆二十年知太平縣胥役莫敢為奸

彘強斂跡民戴之如慈父母祀名宦祠太平縣志以上舊志

李鳳丹元和附生乾隆五十九年任甯國縣勤政愛民沿城田

距水甚遠捐廉決渠引水入灌又倡修學宮建書院後歲旱竭

誠步禱風雨驟至感暑溼卒官祀名宦祠閩鈔以下新修以

曹夢鶴字琴軒江西湖口進士嘉慶十三年任宣城知縣單騎

擒匪境內肅然四校鄉閭時稱得士桂超萬養浩齋詩注

周之冕荆溪拔貢生初為池州訓導盡心啟迪為士林所懷嘉

慶十八年知太平縣治尚清簡尤加意學校學宮前舊有崔項

二姓屋頗阻塞之冕勸令捐基以拓外垣又祭祀無樂諭陳姓者捐備太平學之有樂器自之冕始

太平縣學呈冊

歐陽黎照湖南進士咸豐三年署太平知縣四年帶勇復石埭六年髮逆由黟縣竄境黎照同把總戴廷幹督團迎剿戰於新村白沙嶺陣亡越七日斂面如生士民哭奠甚哀

副祀世職如例

太平縣志

崔琳解州舉人知涇縣咸豐四年督團防嶺剿賊於楊田埂六年三月賊撲縣城督勇禦之東門又會合鄉團大戰南城外十月城陷死之

涇縣志

顏培文字博洲廣東連平拔貢任甯國知府咸豐十年城陷死之蒙

恩副贈太僕寺卿銜世襲雲騎尉

奏案鈔存

重修安徽通志

卷一百四十三

職官志

名宦

二

甯國府

李鴻福建龍巖舉人咸豐九年署甯國縣知縣十年八月率練堵剿粵逆陣亡於同治閒奏

卹英翰
奏案

范慶徵廣東連平人從九品咸豐十年代理宣城主簿八月在甯國府城禦賊陣亡於同治五年奏准

贈鹽知事銜世襲雲騎尉

奏案
鈔存

劉西園字爽亭直隸舉人咸豐六年知南陵縣部署守具兵民相安七年集團越剿九郎廟等處賊巢獲勝又率團會合官軍規復縣城九年調署涇縣十年正月城陷死之

南陵縣志
涇縣志

黎福疇湖南進士涇縣知縣同治元年軍務繁興福疇代理甯國府事有惠政積勞卒官曾國藩請照軍營立功後病故例

賜卹贈銜廕子如例

奏案
鈔存

張世昌字子敬大興人同治元年署南陵縣時城民不滿百無復人形世昌捐粥日二哺之又令種菜子瓦礫中經旬可食二年春荒世昌赴省請米二百石并興圩工代賑親詣監放染疫疾卒遺稟痛訴民瘼請委賢吏曾國藩奏請

賜卹

贈銜廕子如軍營病故例

南陵縣志

曾開驥湖南舉人同治二年署南陵縣捐濟饑民并請賑米多所全活又爲文禱城隍廟野獸滅跡民得耕稼甚感戴之旋卒

官

南陵縣志

重修安徽通志卷一百四十四

職官志

名宦

池州府

吳黃蓋字公覆泉陵人孫堅舉義兵蓋從之堅薨隨策及權諸山越不賓有寇難之縣輒用爲守石城縣吏特難檢御蓋乃署兩掾分主諸曹教曰今有軍旅之務一以文書委付兩掾若有姦欺終不加以鞭杖宜各盡心久之得兩掾不奉法數事詰問辭屈皆叩頭謝罪蓋遂殺之縣中震慄後轉春穀長凡守九縣所在平定

三國志本傳增修

唐韋仲堪字權輿青陽令豈弟而民從

南畿志

李芄字茂初趙州人李勉觀察江西表署判官永泰初宣饒劇

賊方清陳莊西絕江劫商旅支黨盤結其請以秋浦置州扼襟
要使不得合從勉是其計奏以宜之秋浦青陽饒之至德置池

州既詔凡行州事

唐書本傳

蕭復字履初歷歙池二州刺史治狀應條

唐書本傳

張嚴建中初池州刺史因公坐法免苦節立身直躬激俗廉潔

惠愛特異常流

李冉舉嚴自代疏

孫愿貞元後三任池州刺史積漸所致民濡澤焉

南畿志

李方元字景業池州刺史句檢戶籍所以差量徭賦者皆有科

品章程更不得私嘗曰沈約年八十手寫簿書蓋為此

唐書李遜傳

杜牧字牧之萬年人

一作長林人

會昌中刺池州剛直有奇節不為

齷齪小謹論列大事指陳利病尤切

唐書杜佑傳南畿志

寶曆乾符六年刺池州黃巢亂後百姓死徙城邑為墟潘檢訪

鄉籍安集流亡築城浚濠立廨舍

寶湊重建大廳壁記

南唐吳仲舉興國人爲池陽令宋曹彬伐江南遣使招降仲舉殺其使及破池州被執仲舉曰世祿李氏國亡而死職也彬義

而舍之

十國春秋本傳

宋成昂開寶間知池州始建學校興教化

南畿志

王哲字微之嘉祐中以學士知池州司馬光爲作齊山記寄頌

其美

南畿志

劉子羽字彥修崇安人靖康中知池州以書抵宰相論天下兵

勢當以秦隴爲根本

宋史本傳

楊元秉紹興中知青陽縣每事精覈羣吏縮手臺省不能屈以

私

南畿志

葉渙紹興中知池州申請招土人二千充守禦勇敢以備境內

由是沿江以安一統志

周南字南仲平江人紹熙中爲池州教授講明正學以入僞學

籍罷一統志

黃子游紹興十九年知池州論青陽苗稅多於諸邑悉爲蠲除

南畿志

陳昇卿乾道二年知青陽縣減南唐宋齊邱私增之賦南畿志

林桷字子長玉山人淳熙七年知銅陵縣晝日垂簾庭無訟者

以最增秩南畿志

許介高陽人淳熙十一年知青陽縣有惠政嘗建九華祠及去

民思之請於朝以介配享其中南畿志

趙方字彥直衡山人慶元五年知青陽縣告其守曰催科不擾

是催科中撫字刑罰無差是刑罰中教化人以爲名言宋史本傳

潘銷長樂人慶元中知銅陵縣廉豪強者寘之法自奉清儉民

感化之一統

志

王伯大字幼學福州人嘉定閒知池州尋召還端平二年復以

江東提舉常平兼知池州興學校拓貢院奏增貢額繕城浚池

葺齊山諸亭

南徽志

葛書思江陰人調建德主簿有惠政時父密已老欲迎之官密難之書思曰曾子不肯一日去親側豈以五斗移素志哉遂投

劾歸養

宋史葛宮傳

張洽字元德清江人嘉定中通判池州有張德修者誤賊人死

獄吏誣以故殺洽疑之請再鞠守不聽會提點常平袁甫至洽

言曰今天大旱焉知非由德修乎甫爲閱獄遂從徒罪復白郡

請蠲征稅寬催科以召和氣守爲寬稅三日果大雨

宋史本傳增修

趙范字武仲衡山人寶慶中知池州以地介江湖藉鄉兵以備

不虞治城隍葺樓櫓有保障功

一統志

焦煥炎字晦甫紹定間差知池州兼沿江制置使奉省劄令逐沿江流民不得寄住煥炎憫之爲疏撫綏之策朝廷嘉納之

江南通志

通志

馬廷鸞字翔仲樂平人調池州教授以禮帥諸生

宋史本傳

趙昂發字漢卿四川人咸淳十年權通判池州元兵渡江池守棄官去昂發繕壁聚糧爲守禦計明年元兵至都統制張林諷之降昂發晨起書几上曰君不可叛城不可降夫婦同死節義成雙乃與妻雍氏同縊元丞相巴延爲具棺斂合葬祭墓而去

宋史本傳

蔡汝揆咸淳中知貴池縣盡心荒政真德秀薦之

一統志

元陳伯奎天台人至元初爲銅陵尹建學校表先賢士知嚮學

江南通志

程端禮字敬叔鄞縣人有經術篤於踐履傳朱子明體達用之旨至元間教諭建德增學舍以居生徒著讀書日程使學有師法盡復學田之爲民占者始田三百畝及受代增至一千畝

元史本傳

陳思濟字濟民柘城人池州路總管江浙行省平章也速答兒威勢赫然摘淘金戶三千括民閒田畝檄下思濟上章力止之

卒諡文肅

元史本傳

史午至元二十九年爲青陽尹旌表節義以勵風俗

南畿志

忻都蒙古人大德四年爲達嚕噶齊監石埭縣舊制歲輸秋苗二萬八千石皆本色轉輸山陂所費不貲都請改折色名輕齎

著爲令

江南通志

周應極字南翁鄱陽人至大間同知池州案無畱滯散羨賦還

民

江南通志

張士元字宏通延祐中爲貴池尹嘗平反殺人獄吏弗忍欺

江南通志

志

徐泰亨字和甫至順二年爲青陽尹邑舊有荒田千四百頃出

租稅泰亨募人墾闢其累始除有告四十人同發廩粟者吏欲

准盜論泰亨曰吾不忍其發粟求生而反抵死悉笞而遣之銅

陵人爭魚池三十年不決泰亨數語立剖

江南通志

蕭文孫廬陵人至元閒池州路經歷風裁峻整見義必爲建宋

趙公祠祀趙文節昂發夫婦著忠孝二史褒表人物

江南通志

王興祖字國珍吉州人至正七年爲池州路總管廉而惠下建

三賢祠祀范文正包孝肅趙文節碑石猶存

江南通志

朱自敏錢塘人池州掾治銅陵決許氏鑪獄出三十二人罪

池州

府志

上官凝邵武人元末爲銅陵尉秩滿有十數叟送之餽藥數器

至前路發視皆白金也追召其人語之曰吾奉法循理本非私

汝詎可以私終乎卒不受

江南通志

李宗可蘄州人至正十八年爲池州路判官陳友諒屢寇安慶

余闕命宗可權義兵萬戶統新軍守砦營橫槩入賊中殺傷甚

眾及城陷宗可馳還盡殺其妻子自刎死附葬余闕墓傍

一統志

池州府志

明王祖順洪武初知池州創制畢舉調度有方

南畿志

王希顏洪武十八年知池州府時有舍人劉蠻兒以解囚馳府

甬道直入廳事希顏擒治之狀聞太祖嘉其不避權勢遣使慰

勞

江南通志

趙安洪武二十一年知池州以廉能膺上考

南畿志

尹安茶陵人洪武五年知石埭勞來安集興學教士

南畿志

夏霖字民悅洪武中知建德縣勸建學宮御史劉天錫名其堂

曰忠勤並作忠勤堂記

一統志

孟常郡陽人洪武中知石埭調建德邑多逋賦爲擯節區畫以償又力請於朝得減賦額萬計秋滿民赴闕乞畱兩邑俱崇祀

一統志

江南通志

呂復衛輝人洪武末以國子生授東流典史勞於撫字後官工

部郎中

南畿志

翟溥福東莞人永樂初知青陽縣有惠愛近九華山虎恆爲患

溥福齋戒移檄山神虎即殄

一統志

黃金蘭永豐人永樂中任貴池典史理繁劇有敏斷才洪熙間擢貴池知縣洞悉民間利病爲次第興除之民親之如父母前

後凡十八年

一統志

商賓洛陽人洪熙元年以吏科謫知銅陵縣請聽民壑闢俟熟而後賦之增額田以數千計秩滿銅民赴闕請畱歷三考皆以

最聞

一統志

楊俊巴陵人正統元年知池州有惠政卒於官遺橐惟一琴

江南通志

通志

葉恩臨海人正統二年知池州府葺學宮興士類凡聽斷有關大閑者系詩於牋尾以示勸誡人皆愧悟

南畿志

雷浩華容人成化三年池州同知不染一塵卒於官至無以爲

敘江南通志

洪達淳安人成化四年知青陽縣爲政仁恕重建縣廳江南通志

趙珪鄞縣人成化六年池州同知公平簡肅無敢干以私江南通志

王政字布德易州人成化十六年知青陽縣四境多盜嚴加捕

緝大葺學校製祭器購書籍邑東五阡圩患水溢爲建三橋以

濟行者一統志

周源同安人成化十七年知石埭縣待已廉臨民惠遇災能卹

南畿志

楊季方番禺人成化二十二年知東流縣單騎之官强者置之

法祭繼子女者爲贖還之江南通志

陳良器字彥成錢塘人宏治二年知池州內和外嚴聽斷明決

南畿志

官芳鄒平人宏治四年由知府左遷池州同知攜一僕之官謁

臺使不屈節而禮賢士若不及焉卒於官篋中止二袴餘俸五

星

江南通志

祁司員山陰人宏治十二年知池州府吏民畏懷雖聲若不出

口而毅然有任重道遠之意政績炳然

南畿志

錢瓚鄞縣人宏治中知青陽縣庭無奸吏士農各安其業會遷

秩老幼遮道不忍其去

一統志

何紹正字繼宗淳安人正德九年知池州築銅陵五十餘圩以

備旱潦宸濠反攻安慶池人震恐紹正登陴固守事平還江西

參政池人爲立祠與宋包拯並祀

明史湯禮敬傳

杜秉彝字滄涯永年人嘉靖二十九年知池州毀淫祠折節正

士水早有禱立應

江南通志

詹萊常山人嘉靖三十六年池州同知劇盜章玉九等劫掠江

上萊悉擒之捐俸置趙文節祭田葺其祠宇

江南通志

厲汝進灤州人嘉靖中池州推官執法不骫擢戶科給事首劾

大學士嚴嵩降典史

江南通志

茅坤歸安人嘉靖中知青陽縣按豪強奸黠者寘重法民用帖

然一統志

陳萬言南海人嘉靖三十九年池州推官有風采景王之國闢

寺釋騷萬言每裁抑之署銅陵尤多惠政

江南通志

楊茂青鄞縣人嘉靖中知貴池縣為政因土俗順時宜興廢皆

當民情

江南通志引張時徹所撰碑銘

余初字復之瀘安人嘉靖中知東流縣造黃冊均里甲平徭役

江南通志

徐衍慶永新人嘉靖中知貴池縣清介質實會章聖太后梓宮

返葬承天道經池郡衍慶趨辦夫役溽暑奔趨勤勞獨著卒之

日橐無斂資

江南通志

鍾大賓字體嘉曲江人嘉靖三十八年知東流丈量田畝不失

尺寸定賦均平

江南通志

劉孜江夏人嘉靖四年知銅陵縣景王道江上孜與推官陳萬

言經理夫役民以不擾立祠與陳並祀

江南通志

陳子文字在中福建進士由麻城縣歷知池州府單車入境不

挈妻孥諸生願請業者親與講明經義

福建通志新修

李得春鍾祥人嘉靖四十一年由禮科謫知石埭量田公平加

意士類民爲立祠於仙壇宮

江南通志

田登年忠州人嘉靖中知青陽縣有幹略時勦築縣城登年令

民照丁田自備甄石一月工具至今賴之一統志

李子躍東平人隆慶二年知石埭和而慤遇旱步禱赤日中對

梟禾流涕雨大注江南通志

姚孟賢字汝德慈谿進士授貴池令爲政不事苛細惟以表揚

節義獎厲學校爲先務浙江通志新増

王頤字觀生沔陽人萬厯三年以南給諫知池州府公餘不休

私署於堂左構琴鶴堂寢處其內使客脯餽例取給於里甲頤

悉除之一切皆給市值佐兵憲繕城堞築千柳隄以備江警勞

卒無以爲殯士民泣賻之江南通志

劉孟雷字靜之廬陵人萬厯十一年知池州廉猾胥十數人置

之法建興濟橋登青雲隄以通行旅備蓄洩江南通志

何思登蒲圻人萬厯二十年知池州府民有冤抑必爲伸雪權

勢弗能撓尋遷副使單車襦被就道

江南通志

劉潔貴池知縣政暇巡行郊野勸課農桑至今民享其利

明統志

方遂京山人萬厯中由進士知池州易直子諒民依之如父母

尋調守開封老幼臥轍不得行

江南通志

徐金星字玉垣鄞縣人萬厯中知建德縣遇歲饑賑活無算讞

獄平允大府薦疏凡十一上擢御史

江南通志

張岐知貴池縣誠心愛人有不利於民者極力以處之仕至廣

東左參議

明統志

葉明元同安人萬厯中知石埭省浮費清滯獄請上官裁減差

使以節夫馬

江南通志

陸階字五雲桐鄉人萬厯二十二年知石埭縣旱禱卽雨革里

甲供億諸費罪罰皆從其寬卒於官貧不能斂士民爲之經紀

喪事

江南通志

羅憲凱字元甫豐城人萬曆三十年知貴池清介不爲驚擊而

人自憚之

江南通志

劉受書登封人萬曆中知建德端方愷悌嘗質米而炊訟不赴

訊者聽之囹圄空虛吏胥多歸農畝

江南通志

徐一科字淪盈弋陽人萬曆中知銅陵歲大水諸圩盡潰乃勸

築都埠長八十餘里民名之曰徐公隄

一統志

朱綱同知池州府廉介厚寬鞭朴不施民甚慕之

明統志

張燦垣字紫城成都人天啟末知貴池庭訊數十百人無不了

了輕徭減役

江南通志

何應明字署初晉江人崇禎五年知建德精於釐剔稍有餘羨

卽充各里逋欠

江南通志

吳禎建德知縣廉明仁恕以德化民民咸懷之

明統志

田瑞龍字蒼霖固始人崇禎七年知貴池流寇在境瑞龍募壯

丁守禦尤畱心文學訪舉名賢

江南通志

王化澄金谿人崇禎中知青陽縣時軍需孔亟上官嚴檄催徵化澄於正供外悉汰羨餘勸民輸納上不誤餉下不累民以最

報

一統志

王家柱字石卿江陵人崇禎十一年知青陽調貴池講求荒政至解章服市米以食餓者江北寇警繕治城堞訓士儲糧爲備

江南通志

葉幹字伯貞金華人崇禎十四年知石埭楚帥舟師東下江上震動幹親率涇太青石四縣鄉兵扼龍口以備不虞四縣賴之

一統志

李際明字樵懷順德人崇禎十四年知建德杜苞苴贖鍰槩不

入私橐

江南通志

向思敬貴池典史廉介有爲致仕去士大夫贈言盈篋邑令龔

守愚詩曰歸心浩蕩鷗波闊宦況蕭條馬骨高

江南通志

胡鯤化鹿邑人崇禎十六年知銅陵縣時過兵索餉鯤化以身

當之及左夢庚兵水陸并下親冒矢石城破被害訓導安東張

緯典史餘姚胡國璫同死

一統志

尹安知石埭縣時民因兵燹失業乃興學理財勞來安集逋民

復業

明統志

程九萬湖廣人崇禎十七年以府知事署東流縣事乙酉叛將

楊么兒破縣死之

江南通志

龐昌印西充人崇禎十七年知青陽縣未數月以治聞明亡行

至五溪服鳩卒縣人立祠祀之

江南通志

國朝馬宏良本姓張名自昌字文寔昌平人順治二年以內院辦事官隨督師洪承疇南下池州降卽以宏良知府事時山谷負固鎮池總兵于永綬欲殲之宏良請剿撫兼施兵之所指輒先下令招降全活數十萬人旣而山谷平百姓稍稍復業宏良存撫備至復學校勸耕桑並約束守兵使不爲民擾調知岳州池人泣送數百里後官廣西布政使還家於池

一統志

蔣應仔山陰人順治二年知銅陵縣時民被左良玉兵亂應仔安集流散勸督農桑民漸樂業

江南通志

蔡司霑福建南靖舉人知東流縣歲大旱請免賦一千八百六十兩又請發穀九百餘石不足捐俸繼之

福建通志
新增

劉日義遼陽人順治七年知銅陵縣時創夷初復諸廢未舉日

義築城垣修學宮建紫陽書院濟河道治街衢輯縣志百廢具

舉

江南通志

岳申字汝南沔陽人康熙三年知貴池年將七十案牘皆手自裁定嘗策一馬行郊原於陂塘圩堰處指示疏濬蓄洩之法布衣糲食署中每至絕糧卒不能歸櫬畱葬齊山之陰民以時祭

墓不廢

江南通志池州府志

姚子莊字六康歸善人康熙五年知石埭縣首條錢糧六弊六法行之編里甲均徭役置義塾十二所以訓民間子弟咸德之

一統志

喻成龍字武功錦州人康熙初知建德縣累擢池守察吏安民

慶才育士終兩湖總督所至人稱小包公

池州府志

汪元綬宛平人康熙十八年授池州府同知清介自矢嚴防禦

查汎守歲凶監賑全活者數萬

江南通志

馬得貞介休人康熙二十一年知銅陵縣性剛介明於聽斷縣

多圩田每值水溢輒躬履圩岸率民增築隄防不辭勞瘁

江南通志

李燦字君章奉天人康熙二十五年知池州減耗羨嚴保甲倡

修府學大其規模六邑皆如制又築貴池黃屯阪隄開銅陵洋

山磯路重建城南濟州橋起城東迴瀾書院終兩淮運使池民

赴弔者數千人

一統志
池州府志

趙衍東陽人康熙癸丑進士知貴池縣邑多積逋弊由於總戶

催科者莫得其主名衍爲按戶清注俾以實田辦實賦宿弊頓

除建縣廳事起學宮文昌閣用形象言作水德亭於城東城內

遂少火患

江南通志

孫兆元字鼎文福建蒲城拔貢授銅陵知縣縣民積逋五千餘

金被繫累者無虛日兆元悉釋不問出私錢爲分年代輸民構
卹民亭於署前盜誣采石民數十人當塗知縣不能決巡撫檄
兆元會鞠盡得冤狀縱之民爲立生祠於采石磯五松山太白
書院久圯捐俸修葺月進諸生課以經藝詩賦在任十年頻遭
旱施米施粥全活者無算以病贖乞歸

福建通志
新增

胡開京字遵王德清人授池州府通判攝宿松縣事革漕弊抑
豪強有民被殺而不得主名往驗察其妻與旁觀一人狀異得
姦殺情寘之法攝蕪湖篆值大水報災請賑設廠拯救無算又
攝建德除虎患盜緝民安

浙江通志
新增

李英直隸人康熙閒知池州府廉明慈惠加意人才卒官不能
歸士民葬之百牙山後

池州府志

吳節民溫陵人雍正閒知池州府勤恤民隱嘗築金斗圩於三

台墩至今利賴

池州府志

裘君弼字展臣江西新建進士康熙四十一年任建德知縣持

躬清介斷獄明決勤撫字賑災黎重葺書院嘉惠寒畯嚴保甲

練鄉勇捕獲鄰境盜匪殆盡民以安堵在任八載擢刑科給事

中民懷其德建生祠於雲龍閣側尋奉準祀名宦祠

建德縣志
新增

史知義直隸人乾隆閒通判池州權府事謹約自守不可干以

私易簪時口占一聯云一官已矣敢云盡瘁賢勞四壁蕭然庶

幾傳家清白可以想其大概

池州府志

莊經畬字念農武進人乾隆閒知建德縣正己率物不剛不柔

遷泗州知州甯國知府所至皆有聲

建德縣志

陸壽昌字鳧岡陽湖人乾隆閒東流訓導以詩書教士多所成

就時人比之鄭虔

東流縣志

張士範字仲模蒲城人乾隆閒知池州府愛士愛民親課耕讀
歲饑有柯姓貧民聚眾掘土於官山冲饑家以為煎礪控至大
吏大吏欲窮治之士範曰此土俗名觀音粉窮民掘以充饑非
礪也不信士範取塊吞之獄乃止

貴池縣志

張開士浙江錢塘人乾隆七年知銅陵縣慈惠愛民遇災請賑
親歷災鄉躬自給發耗折則以俸足之全活無數

銅陵縣志

萬紹熙福建晉江人乾隆九年知東流縣修學宮建左右兩坊
濬河修隄以資蓄洩建祝家磯天然塔立天然書院課士士風
丕振

東流縣志

單作楚府志字伺夫乾隆閒池州同知署府事聽訟明決胥吏
惴惴奉法紳士進謁張髯危坐不可干以私訪民間利病斟酌
次第行之其時夜戶不閉幾致刑措

池州府志 貴池縣志 增修

李祖謨南豐人乾隆五十三年知貴池縣懲猾役嚴緝捕在任
二載編戶晏安尤愛士貧而能文者時衣食之外憂去任後
以緝匪殉難貴池縣志

郭維直隸武強人知東流縣案無積牘建菊江書院課士代解
舊欠馬稻數百石民尸祝之東流縣志

郭如岐河南人知石埭縣有善政重建長林書院工大用鉅人
咸難之如岐慨然捐俸爲士民倡逾年告成石埭縣志

許起鳳浙江昌化人知建德縣初下車見學宮移建費用不貲
卽設法勸輸卒竣其事每朔望集多士於署仿鄉試考校法環
階布席供給用備衡文親定甲乙拔前茅者榮於登賢書焉建德縣志

縣志 以上舊志

蔡炯字雲橋江西德化人嘉慶丙辰進士由內閣中書洊升御

史二十一年任池州府知府案無畱牘有清名建興濟橋築翠雲隄皆捐廉爲倡又飭知縣盧元璫籌款重修貴池節孝祠元璫字湘槎江蘇元和拔貢歷桐城天長貴池知縣稱老吏云

桂超

萬惇裕堂集
以下新修

嚴樾字墨莊廣西柳州府舉人道光二十一年任銅陵知縣是年水潰都埤樾請以工代賑分段興修豁除開挖田畝差糧著有銅官事宜又捐廉在縣東北十五里之河口橫築土壩截禦山洪壩上下建石斗門二以時啟閉用資宣洩名曰雙斗門壩士民德之二十五年調建平縣三十年祀名宦祠都埤者明知縣徐一科所築長八十餘里保障江村嘉興仁豐數十圩爲銅陵濱江要工乾隆時知縣單履中周萬齡胡元鼇閻秉升道光時知縣孫榮胡邦輔許道藩孔傳藤迭次修築改建至嚴樾所

修較前高廣焉其後知縣福海辛本旃官霖等並累次修復均

有裨於民生

銅陵縣志

陳源充字岱雲湖南茶陵州人由編修授江西知府憂歸服闋
揀發安徽補池州府知府咸豐三年冬髮逆犯廬州府十一月
十日巡撫江忠源至廬源充先已奉檄在城遂同守禦迭次繼
師出戰殺賊甚眾旋以餉匱援絕堅守三十餘日城陷與江忠
源等同死之奉

旨贈卹祭葬祠祀襲廕如例

惻忠草

王開貽字鶴舟河南光州舉人道光三十年任建德知縣愛民
息訟捐廉課士咸豐三年辦團助餉冬城陷往徽州請兵復之
四年秋督勇登陴禦賊城陷力戰死之

建德縣志

丁金銘順天大興監生祖籍浙江山陰縣以未入流分發安徽

道光二十三年補建德縣典史咸豐二年代理永豐鎮巡檢辦
團堵隘緝匪安良十一年冬帶團禦賊守建德城不避矢石身
受重傷旋卒照傷亡例廕襲雲騎尉妻陸氏先於咸豐三年殉
難奉

旌表

冊司

重修安徽通志卷一百四十五

職官志

名宦九

太平府

漢荀淑潁陰人安帝時遷當塗長去職還鄉里後卒縣爲立祠

後漢書
本傳

吳陸遜吳人丹陽賊費棧扇動山越權遣遜討棧棧支黨多而主兵少遜乃益施牙幢分布鼓角夜潛山谷開鼓噪而前應時

破散

三國志
本傳

晉胡毋輔之字彥國泰山奉高人性嗜酒永昌中爲繁昌令始

節酒自厲甚有能名

晉書
本傳

江漢永嘉初爲丹陽太守擊破賊陸宮等

一統志

齊邱仲孚字公信吳興人永明時補于湖令有能名太守呂文

顯當時倖臣陵詆屬縣仲孚獨不爲屈

梁書本傳

梁郭祖深襄陽人普通七年改南州津爲南州校尉以祖深爲之公嚴清刻搜檢姦惡不避強禦常服故布襦素木案食不過一肉絕於干請江中嘗有賊祖深自率討之遂大破賊威振遠

近長江肅清

南史本傳

唐張邈爲郡司功參軍卻請託屏遺贈開元以來良吏邈居其

一有寒松貞玉之操

良吏記

李陽冰字少溫廣漢人寶應初爲當塗令李白來依之贈詩云華邑艱難時浮雲空古城居人若薙草埽地無纖莖惠澤及飛走農夫盡歸耕廣漢水萬里長流玉琴聲雅頌播吳越還如泰

階平

唐書文藝李白傳太白集

宋宋準字子年雍邱人開寶六年知平南軍會改軍爲州依前

知州事準美丰儀善談論居官所至皆有治聲

宋史本傳

王知微字幾之仁宗時以祕書丞知當塗縣時築萬春圩工役

甚急知微請俟農隙使者始不悅久乃信重之

南畿志

夏希道字太初慶歷間令繁昌邑陋民貧希道至惠愛多方日

以生聚修舉廢墜規模一新

南畿志

何述字明道浦城人爲當塗令邑瀕江歲多水患述爲築隄捍

禦之

南畿志

施昌言字正臣靜海人知太平州上政論三十篇

宋史本傳

汪汝則字叔方宣和初除蕪湖縣丞以助平方臘功改衢州士

曹時廷臣奏對有論及守令人材者上曰使人人如汪汝則何

患不治

南畿志

郭偉建炎初知太平州金兵攻采石及蕪湖偉力戰敗之舊城跨姑溪上下立柵偉改築新城割姑溪於城外以便守禦

一統志

周葵字立義宜興人宣和元年調徽州推官高宗移蹕臨安諸軍交馳境上葵應變敏速千里帖然紹興中知太平州事水壞圩隄葵悉繕完市河久湮令城中家出一夫官給之食併力濬導公私便之

宋史本傳增修

錢文字文叔紹興初爲當塗尉嘗有所捕獲敘勞當進秩力辭之爲人言溫而氣和居官餽粥不繼心常晏如

當塗縣志

張運字南仲貴溪人紹興中移貳濡須金人犯廬壽大將駐兵拒之運給餉未嘗乏絕三十二年知太平州當兵饑疾癘之餘殫勞徠安集之方嚴斥堠攻守之備理財賦造戰艦繕甲兵申

禁令民賴以安

宋史本傳增修

曾覺晉江人紹興末令繁昌歲饑發廩賑給又捐資修葺學宮

南畿志

虞允文字彬甫隆州人紹興三十年葉義問督江淮軍允文參謀軍事時敵兵四十萬宋軍纔一萬八千允文部分甫畢敵已抵南岸士殊死戰日暮未退會有潰軍至允文授以旗鼓從山後出敵疑援兵至始遯明日復大戰焚其舟三百隆興元年以

敷文閣待制知太平州

宋史本傳

舊制民舉子納添丁錢歲額百萬

貧民生子多不育允文爲措置官項代補自後戶口日增

舊志增修

吳芾字明可仙居人乾道三年知太平州造舟以梁姑溪歷陽

築者久役潰歸聲言欲趨郡境芾呼至城下厚犒遣之而密捕

倡亂者繫獄以聞

宋史本傳

楊倓字和義淳熙三年知太平州學宮祭器用錫倓易以銅重

建四齋令秀民肄業其中精選師儒以司訓導甫期年行藝皆

斐然可觀

南畿志

洪邁字景廬樂平人淳熙十五年知太平州事政尚寬簡民皆

向化郊產異麻狀若靈芝

南畿志

李椿字壽翁永平人初爲甯國軍節度推官吏才精強人稱之

淳熙五年知太平州力圖上流之備請選將練習緩急列艦上

可以援東關濡須下可以應采石

宋史本傳

趙汝愚字子直紹熙元年知太平州存心仁厚持身潔白廣收

賢能大有政績吏民懷之

南畿志

趙希懌字伯和燕王八世孫知太平州希懌爲倅日習知其民

利病遂捐市價減榷酤額以蘇民力

宋史本傳新增

趙汝勣宋宗室慶元三年爲當塗令年饑穀貴汝勣開倉散米

萬斛一邑全活事聞詔他郡做行之

宋史本傳

王習之三山人嘉定中爲繁昌令學校壇壝驛傳無不修舉

南志

馬光祖字華父金華人寶慶中知太平州兼提領茶鹽覓養民

力興廢起壞知無不爲

明統志按宋史本傳覓養民力三句是知建康府事

王居安字資道黃巖人嘉定初知太平州歲儉汰去軍羣聚寇

攘居安威惠流行晏然若無事時副將劉佑爲怨家詣闕告密

置獄金陵佑自誣服居安以書抵當路辨其冤事果白

宋史本傳

徐鹿卿字德夫豐城人爲江東轉運判官歲大饑出本司積米

三千餘石減半價以糴又減典當庫息出緡錢萬七千以與貧

民勸收字遺孩日給錢米制置鹽茶岳珂罷以鹿卿兼領太平

弛苛政蠲采石蕪湖兩務蘆課江東諸郡蝗入富塗境鹿卿露

香默禱忽飄風大起蝗悉渡江

宋史本傳增修

牟子才字存叟井研人寶祐三年知太平州首教民孝弟以前人慈竹義木二詩刻而布之閒詣學爲諸生講說經義修采石戰艦百餘艘造兵仗以千計前官負綱錢七十萬緡悉爲補之蠲黃池酒息及秋苗畸零夏稅畸零紬帛絲棉麥各若干郡有平糴倉以米五千石益之又以緡錢二十五萬創抵庫歲收其息以助糴本建李白祠自爲記

宋史本傳

元白珽字廷玉錢塘人至元二十八年太平路學正時兵燹後

學宮齋廡祭器俱廢珽依制修葺建天門采石二書院

江南通志

暢師文南陽人至大中太平路總管時大旱師文捐俸致禱澍雨大降遂爲豐年當塗人坐殺牛祈雨囚繫六十餘人師文憫而出之公田米積盈屋呼貧士及細民恣其取去雖在任未久

而境內之民晏然

一統志

歐陽元字原功瀏陽人延祐初爲蕪湖尹縣多疑獄久不決元察其情悉爲平反貢賦徵發及時民樂趣事教化大行蝗不入

境

元史本傳

賈煥字華甫開封人泰定初太平路總管歲饑募粟分賑建壇

壝修學舍築石城濬尙書塘

江南通志

王惟中字擇卿懷孟人泰定三年爲當塗尹會水潦旱蝗相仍惟中捍隄禱雨捕蝗無暇晷以禮義減富民令出粟分賑全活

甚眾

江南通志

浦源字以淵長洲人泰定中爲蕪湖尹境內大水募粟賑給會郡發廩米千石令減直以糶源謂民有錢可糶則不饑矣盡以米濟之語同列曰郡有責吾獨償不以累諸君也

江南通志

倪淵字仲深烏程人泰定中投當塗主簿先是延祐初縣尹經理田土考覈失實令淵署篆乃分畫編次爲圖籍釐隱匿除增加眾大悅歲祲四境上災狀郡戒縣勿受淵爭之不得卽日求解組去郡守驚悟遣吏謝卽委以檢視淵躬履阡陌稽實蠲稅民賴以蘇

江南通志

高昭字仲章濟州人至正閒太平路推官除患興利有能聲猾吏甘姓挾重貲爲民患昭窮治其罪

太平府志

張兌字文悅至正閒爲當塗尹善聽訟能使人開悟往往自慙而退

當塗縣志

靳義字處宜河南人至正十二年守太平寬仁勤敏溧水彭賓等倡亂分道來寇義列營要害且戰且撫賓等皆敗降明兵渡

采石義赴水死

一統志

明許瑗字栗夫樂平人明初知太平府屬士卒修城池撫黎庶
陳友諒以兵十萬來攻瑗偕樞密院判王鼎守將花雲堅壁拒
守城陷皆死之

明史花雲傳

黃朝弼明初知蕪湖縣蕭然類寒畯公務雖冗退必讀書去官
士民爭醵金爲贐不受惟出所攜書一篋易鈔而行

南畿志

吳聰潮州人明初蕪湖縣丞性至孝嘗晝海雲南望圖懸於壁
民有不得乎親者痛治之復泣語曰吾以不得侍親爲憂汝幸
在膝下何爲不孝聞者感悔

廣輿記

王俊字用章永平人洪武五年知當塗出俸錢創建邑學不足
則售其家田園助之以德化民濟以威嚴

江南通志

周鑄洪武中知繁昌縣撫民寬而律已嚴擢御史

江南通志

孟廉洪武中知當塗縣坐事與縣丞趙森同逮獄者民具列善

政詣闕以請遣還任

江南通志

顏宣永樂中令繁昌修縣廳建城隍廟兩卽應

江南通志

黃城合浦人宣德七年授蕪湖教諭規矩嚴整與訓導廖謹同

心教士

江南通志

盧忠字以誠漳州人正統初授太平府學訓導日進諸生講解寒暑不輟巡撫薦其才堪戎伍上曰與其戎伍得人何如學校

得師

江南通志

張崑字具瞻上虞人初授宣城教諭正統三年巡撫周忱薦知當塗題畫梅一絕贈之云疏影橫斜出泮池一甌清冷最相宜彈琴卻傍青山去百里春回在此時崑莅官清勤黷官縣治譙樓驛傳橋梁道路修葺一新簿書填委暮必至學舍省諸生勤

情歷官荊州知府

江南通志

李慶景泰末知繁昌縣治濱江數有水患慶建議內遷

江南通志

周鳳字文祥汲縣人成化九年知太平府衣食寒素不以家累

自隨嘗疏通市河郡人便之

江南通志

唐詔陽信人成化中同知太平清謹簡易吏民愛服卒於官遺

書數卷他無長物

江南通志

劉憲字廷式孟陽人成化閒知蕪湖百廢具舉遷潛港驛於縣

市遷河口鎮巡司於潛港邑人便之

江南通志

徐禮字敬先餘杭人成化中令繁昌建社學起鋪舍弊除利興

尋擢御史

江南通志

包毅民字瀄夫合浦人成化末知繁昌撫下寬仁尤毅然有守

不喜飾廚傳以媚上官會以憂去士民惜焉

江南通志

徐節字時中壽昌人以御史出知太平建學宮修郡志造浮橋

均郵遞民閒失火節奔救禱天火隨滅會觸直指怒突至府清庫并檢內宅僅得敝衣數事直指歎曰如此賢太守安用撫按爲特疏薦之

江南通志

張伯祥字元吉鄞縣人宏治中知蕪湖勤卹民隱有古循吏風縣學舊無尊經閣爲經營創建功成而民不擾

江南通志

趙文奎字璧仲江陵人宏治閒知繁昌建旌善申明亭修壇壝

贍孤寡

江南通志

趙祐字汝翼雙流人宏治中知繁昌重農勸學政肅獄平隣邑訟不得直多求聽斷尋擢御史

江南通志

底蘊字希準廣甯人正德閒以給事中出知太平府明爽愷悌

建養濟院

江南通志

林有年字以永莆田人正德初知繁昌廉而有才以課最擢御

史

江南通志

李永蕃字貽錫永興人正德中知當塗振興士類繕築圩隄均

徭除羨決訟如流

江南通志

汪本字惟中浮梁人正德間知蕪湖流寇猖獗客兵四集本悉

心籌畫軍需不缺民無所病

江南通志

王軾字子敬揭陽人正德十五年知蕪湖甫下車值宸濠之變中官擁兵作威福僚屬逃匿軾身當之芻糧委積咄嗟而具

江南通志

郭湍莆田人正德中太平府學教授拔諸生之秀者讀書齋中

夜分省其勤惰或煮茗炊粥佐之正德己卯嘉靖壬午乙酉三

科貢士皆出其門

江南通志

林鉞字宏甫晉江人嘉靖中知太平府興賢造士養老邱孤嘗

築姑溪壩建亭其上由是姑水濚折不苦衝決

江南通志

馬森字孔養嘉靖中知太平府歲祿出官粟數萬斛以活民善

獄獄鄰郡有冤抑俱願就決

江南通志

陳璋字圭仲光州人嘉靖中授太平同知勇敢多才長於應變倭賊蕭顯破上海操撫交薦璋能辦賊命同蘇州同知任環統兵籌畫璋上禦倭十二事從之七月破顯斬首千餘級寇遁

江南通志

通志

李价番禺人嘉靖中知當塗縣雅負通才爲政專尚寬簡禮賢敬老周卹無告尤加意庠序士民皆愛服焉

江南通志

王德益字懋中連江人嘉靖中知蕪湖徭役里甲與江夫事宜

裁處悉當

江南通志

張永明字衷誠烏程人嘉靖間知蕪湖廉愼公平時章聖太后

梓宮南耐道經江上中貴多所誅求永明委曲劑量供應悉如
禮制民賴以安子天德產於蕪署後成進士復爲蕪令有惠政
邑人顏其堂曰繼美

江南
通志

陳一道字邦緒晉江人嘉靖閒蕪湖丞倭寇犯江上奉檄南陵
防剿臨敵眾潰一道獨奮勇殺賊以勢孤遇害家人子義赴援
亦死事聞贈一道應天通判子義應天經歷立祠縣治東祀之

江南
通志

錢立字守禮仁和人初授刑部主事海瑞言事繫獄立謹視之
得無恙萬歷二年知太平府築蕪湖城勸官圩東石隄四十里
遷當塗學宮於城南

江南
通志

王貽德字師禹全州人萬歷中知太平府門無私謁郡齋可羅
雀時詔居官廉介者特賜宴賚貽德名居第一

江南
通志

王繼明字用晦永嘉人萬厯閒由當塗令歷知太平府秩滿瀕行餘俸二百金悉散給貧乏抵家無擔石儲所居不蔽風雨

通志

何士林字翹甫富順人萬厯二十九年知太平府歲頻水土林糴穀分賑又刻木爲隸閭井不聞追呼復馬政增其價值民免

貽累

江南通志

馬重德字瑞軒遼陽人萬厯中太平通判以廉能屢署上考攝篆當塗及權樞關蕪湖均有惠政

江南通志

蔡時鼎漳浦人御史建言降典史萬厯中遷太平推官獄獄一以仁恕署府篆歲稔請於撫按築隄開糴

江南通志

李春熙字皞如建甯人萬厯中太平推官不以擊斷爲能署篆當塗禁勾攝緩徵徭拓儒學基址築姑溪壩買田爲增修費視

事裁數月所興革皆切中利弊

江南通志

王萬祚字君錫臨海進士釋褐當塗令甫至先問大姓主名為積害者得若干人悉法治之諸豪屏息革羨耗嚴保甲政聲大著

浙江通志
新增

章嘉貞字元禮德清人萬歷丙申知當塗歲祲疫死者載道嘉貞賑饑施藥暑雨不輟大水圩岸將崩躬督捍救經月露宿水愈溢泣曰隄潰民其魚矣無民奚以令為躍入巨浸中若有物翼之者眾亟挽以上得不死水漸平隄得無恙

江南通志

鄧光祥字日昌曲江人萬歷閒知當塗建天門書院集多士肄業其中

江南通志

朱汝龍字雨化長興人萬歷閒知當塗條畫築圩十五則曲盡其利釐剔里甲積蠹廉邑大敦實之法建集賢樓大成坊

江南通志

葉繼美字含章嘉善人萬厯中知蕪湖廉明剛果下車卽遷學

宮於金馬門吉趾尋擢給事中

江南通志

勞永嘉字無施崇德人萬厯三十年知蕪湖不諂事上官送迎

幾廢歲時遣吏問民疾苦以時存卹

江南通志

曾泰字資銘東莞人萬厯中知蕪湖縣牒訴喧沓泰目視耳聽

手批口答一時并舉了無錯謬百姓畏而愛之

江南通志

鄧一儒沔陽州人萬厯中知繁昌待士有禮撫民有恩馭吏有

法救荒必質決獄不爽

江南通志

王柱字克中長沙人萬厯三十八年知繁昌歲頻饑捐俸設粥

復勸富家出粟助之諭民增築圩隄躬爲督察建橫塘河口二

壩以資蓄洩

江南通志

胡爾慥字孟修德清人萬厯閒知太平府濬河建關節費代餉

江南
通志

李若訥字季重臨邑人萬歷末知太平府禮士勤民

江南通志

陳善道字敬甫華亭人萬歷末當塗教諭對諸生藹若家人不受貧士餽遺且推解之性至孝丁母憂哭踊幾殞去之日諸生

泣送者二百餘人

江南通志

晏清字元州黃岡人天啟元年知蕪湖廉介明允尋調吳江百姓請畱吳吏來迎至相爭於路不得行再宿然後去

江南通志

鄭瑜字昆石東莞人崇禎時知太平府正己率屬一時撫按監司皆知敬禮歲饑發廩不繼捐俸仗之仍諭富室出糶左良玉

兵南下瑜嚴加守備增城浚濠屹然無恐

江南通志

徐養心字無所江陵人崇禎六年知當塗流寇屠和陽難民數千聚江干無舟不得渡賊且近呼號將赴水養心望見曰鄰民

猶吾民亟命船盡渡之姑孰無備眾心危殆養心令沿江徹夜

張炬礮聲不絕賊懼乃退尋擢御史

江南通志

梁應材字瑤石陽春人崇禎時知蕪湖每晨出視事必焚香告天誓與百姓興利除害訟獄無擾徵斂不苛學舍久圯經營修

建

江南通志

張繼曾字省之清江人崇禎十年知繁昌先是邑令羅明祖嘗

議築城未果繼曾次第經營身先督察功成而民不擾

江南通志

井焜字虞章霸州人崇禎十二年知蕪湖每春親歷村社勸課

農桑時江北流寇猖獗焜修城堡爲防衛計躬自措辦不取諸

民民恃以無恐

江南通志

國朝張京澤州人順治二年知當塗縣清操節儉飯脫粟服御無華飾爲政簡易折獄明敏自輯讞語爲琴餘錄徵收田糧正額

外不畱耗羨民咸德之擢工科給事中

一統志

呂秉忠遼東人順治初同知太平時土寇竊發有司多羅織無辜秉忠分別解釋全活甚眾金聲桓叛以秉忠守江不得渡後遷知府巡按寶蔚分俸餉之始得治裝

太平府志

范爲憲字眉生內江人順治三年知繁昌縣土寇千餘人薄城下憲率眾登陴面中流矢不少動指麾勇士從城南隅出力戰殺賊賊驚遁事平士民有爲仇家所陷以賊案株連者憲力爲申雪悉荷全宥

一統志

劉震龍字駕甫莆田人順治間舉人知繁昌縣敝衣蔬食一介不取里役陋規革除殆盡凡讞獄片言決遣蠹猾斂跡會部使者清丈江洲震龍躬冒霜雪奔走蘆葦中絕不假手胥吏以故繁邑獨無增課之累以疾卒於官士民醵金爲賻始得歸葬

一統志

志

林中瑜遼陽人順治三年以副將鎮太平奉檄討賊麻姑港口

數立戰功郡東盜起中瑜馳擊之馬陷歿於陣

一統志

張邦奇字震軒遼東人由浙東監司左遷知蕪湖廉介平允自

奉粗糲五年如一日

江南通志

畢高選字萬青萊州人順治間蕪湖丞勤於吏治每邑有大事輒毅然自任不避艱險斷決疑獄摘發如神嘗修葺學宮兩廡

集邑弟子肄業其中出俸錢廩給之

江南通志

盧化字鯤浪福建永定舉人知繁昌縣釐剔催科積弊不事鞭扑而逋累一空境內荒祲競糴者幾至攘奪化勸富戶傾困出

糴民遂安輯

福建通志新増

柯潮字于韓福建莆田舉人知當塗縣當塗正賦外另有耗羨

千餘金民不堪累有逃者潮申請裁革吏胥白以公費莫出湖
曰公費饒吾民億矣卒去之於是轉徙者咸復業奉檄賑來安
按名分給無冒濫時方沍寒凍餒交迫復捐貲購糲以給其窮
且老者委賑廣德亦如之諸生有寒苦自愛者歲晚餽以薪米

福建通志

新增

柯可棟字平若福建晉江進士授繁昌知縣秋禾將登飛蝗入
境可棟設法撲滅又禱於神忽雷雨大作蝗盡墜水死任事三
載卒於官

福建通志
新增

淡如水陝西大荔人知蕪湖縣遇旱蝗步禱山神長跪爲民請
命是夕雨大注蝗皆抱蘆葦死

蕪湖縣志

陳聖修浙江山陰人知蕪湖縣折獄明允多善政民呼爲生佛

蕪湖縣志

吳嗣蕙江西新建人知蕪湖縣廉潔自守以興利除弊爲己任

卒於官貧無以斂

蕪湖縣志
以上舊志

陳雲字遠雯宛平人乾隆癸丑進士及第授編修嘉慶十二年任太平府府有石臼湖中流湖北屬當塗南屬高淳先是高邑楊姓越界侵占與當塗生員居謙控爭雍正八年經官勘定斷歸居姓立碑分界溝上所謂湖場是也及是兩縣民復爭湖場久不決雲力據界碑當塗民得直訟遂解十九年以疾去官道光五年再任重建翠螺書院請撥官洲租息爲膏火改築平湖埂創設育嬰堂善政甚多卒官民立木主祀之

當塗縣志
以下新修

劉鴻翥字漢儀山東濰縣進士嘉慶二十五年任蕪湖知縣政尚慈祥鞠獄不忍加刑民感之訟亦衰息蕪湖衝繁多虧累鴻翥儉苦自奉不爲利誘改教職去官囊橐蕭然縣人遮道泣送

之蕪湖縣志

顏爾輯廣東拔貢道光三年署太平知府先是當塗有土豪結

黨擾害地方爾輯下車訪獲數人置於法境內肅然當塗縣志

蔣兆鴻江蘇吳縣監生道光中任蕪湖知縣辦災賑心力俱瘁

遂咯血調任蒙城有治績十九年懷遠災兆鴻奉檄往勘感疾

卒官囊橐蕭然

蔣彬蔚行狀

陳文述字雲伯錢塘舉人揀發安徽知縣總督鐵保奏畱河工

補江都有治蹟時人集其判事爲陳公斷案一書母憂歸道光

二十年選繁昌知縣地瘠多水患經畫至廢廢食海疆軍興難

民來繁昌者安輯靡遺疏河築城民以安堵二十四年秋旱祈

雨感暑得疾明年春卒官著有頤道堂詩文集碧城仙館詩鈔

長洲謝承恩撰陳文述傳

張廷槐字蔭三江西宜黃副貢咸豐元年署繁昌知縣三年春
粵匪東竄廷槐募勇團防堅壁清野十二月擊賊南城手然巨
礮卻之北城旋陷巷戰力竭死

繁昌縣志

王乃晉字小裴順天人任太平府經歷督修當塗大官圩隄在
工百餘日隄賴完固咸豐三年署當塗縣事時兵警土匪起乃
晉嚴緝捕杖殺數人始定尤留意文教捐廉課士周卹貧生四
年以失守鐫職畱任十年調署宣城八月城陷死之

恩卹世襲雲騎尉

當塗縣志補纂

朱含章太平府經歷咸豐九年從巡撫守定遠縣城陷死之照
陣亡例

予卹

定遠縣志同書奏案

劉世墀字桐陔漢陽人由附生從總督曾國藩征剿海保知縣

同治元年署蕪湖縣訓練五團二年擊賊於查家灣敗之民賴

安堵旋以母憂歸送者塞道

蕪湖縣志